

貴州府縣志輯⑦

中國地方志集成

民國貴州通志

中國地方志集成

貴州府縣志輯 ⑦

民國貴州通志
(二)

巴蜀書社 • 江蘇古籍出版社 • 上海書店

國民

貴州通志

(二)

民國·劉顯世 谷正倫 修

任可澄 楊恩元 纂

一百七十卷 首一卷

民國三十七年貴陽書局鉛印本

貴州通志

前事志十二

三八

前事志十三

前事志十三

明

神宗萬曆二十六年改銅仁長官司為縣

二十五年以銅仁土司李永不職改置銅仁縣

二十六年革銅仁司置銅仁縣後又革大萬山司

置銅仁縣隸銅仁府附郭從巡撫江東之巡按應朝卿請也

巡撫江東之請建改縣治疏曰題為脩順夷情應改縣治請乞乾斷銓官鑄印

以光聖化事照得銅仁土官李永授襲職以來虐政殃民里老陳秀奇等於萬

歷二年具狀告改縣至萬曆十四年內士民范軫等連名奏土官李永授犯職

十萬通苗劫殺食酷異常乞賜勦除蒙准勦實發雲南平夷衛充軍終身改縣

之告民情孔亟乃二十年來宜行而不行者蓋人心之有無反覆事體之可

否經行建縣作何區畫賦役作何措處皆當永久之計不得不為慎始之謀也

及撫臣林喬相按臣薛濤茂各批行二司會勘詳議該司隨委思南知府趙恆

本府知府張錫推官江騰鯨吊集里老洞民查審即據銅仁司鄉官舉監生員

門贖銀增額三百兩餘更隨時為之酌處移緩就急極簡易無甚難行者但川之違官增兵似宜行該省查議然官可以更番而違無待事設黔甚瘠薄既可勉強增兵三百名川之土地錢糧不啻十倍之而不足辦此非理也伏乞勅下兵部覆議如臣言可採經請上裁行川貴遵照先行再議徒游案室之談無數目前之急仍請敕下吏部急選風力執法之臣來代某懇賜嚴旨申飭兵備等官緝拿劫賊朱敬等正法楊應龍敢仍前廣招生苗以逞逆圖自積糧草而負公賦容撫按官從重參處庶彼有所畏而不為我有備而無患矣若以么麼一州之地抗拒王師既經勦撫待以不死而猶敢違勦約貽害兩省罪在不贖則在廟議當有候時而動者非臣所敢知也

按紀要稱應龍叛屯兵二十七營於七里谷以窺黃平殆即此

貴州提學副使沈思充重修貴州通志

思充萬歷中累遷貴州提學副使有史學留心文獻嘗召鄉先生陳尚象及諸生中之多聞識者會纂貴州通志而思充手自裁定然有條理可觀所謂丁酉志是也江東之有序具藝文志

貴州通志

前事志十三

三九

里民萬貢張翔漢僑從先陳黔產萬邦傑陳應麟楊通明張儒等議冊內開稱銅仁司李永授奏通苗盜竄國殃民科欽不經惡積盈貫每歲有五穀貢新之派生誕慶祝之派五節拜賀之派賓朋會宴之派巡鄉馬蹄之派派職則派盤經犯事則派貼罪出嫁則派裝奩婚娶則派牲幣死葬則派賻奠耕耘則派山工欽木植為宮室奪子弟為皂隸占妻女為婢妾入學有印色錢出仕有問安禮遊山有過山錢船木有水面錢問事有過堂錢伏月而取活魚雪天而取樺笋害民已極幸得正法充軍其始祖李淵襲土司二世李述祖以漏洩軍情發問遼東鐵嶺衛永遠充軍陳騰承襲至永授又犯軍罪查其祖領諸命勅書李永授子以謙稱遺失無存士民萬貢等證其前犯重罪已蒙追奪是李氏一官而兩犯重罪已當從革襲揭黃之例況銅仁之民生齒日繁文物日甚與中州相埒安忍使之日坐於湯火之中也且縣治設於附郭既無鑿池築城之費輸助本乎人情又無多科加賦之擾其間一二未備勢不能不取之民暫勞而永佚之暫費而永寧之孰不舉手加額而鼓舞樂從也府官備述民望之殷經制之宜呈報到司通詳在卷及臣到任思石兵巡道副使張斗首以銅仁建縣

為諸臣以為改土為流誠撫綏之至計時紳舉羣惡經制之勞民且利不百不與害不百不革事非細故談何容易已諮詢經年駁議再四查據布政司署印按察司清單驛傳道副使郭廷良會同按察司署印提學僉事沈思充分巡思石撫苗道副使張斗分巡貴寧道僉事方萬策分巡新鎮道僉事梁銓都司署指揮僉事張雲綱提捕署指揮僉事議照設流改土原為利國惠民設縣分州亦當因時乘勢土司李氏其父李永授遠竄充軍久為喪家之狗其子李以謙狼心未泯不過塌寨之雄雖黨與間興異議勢難死灰復燃使銅仁士民得見天日此尤千載一時也觀其建縣則捐資徵額則出稅其情狀可見矣但土司之改縣無罪則當論情子孫遂得襲為佐貳有罪則當論法子孫遂編為齊民此貴州之已行歷歷可考若李以謙有罪者也酌於情法之中與以主簿之職給以夫馬不許管事加以法外之仁彼為陰匪之望矣伏乞題請救民於水火之厄措之於衽席之安等因并將建縣事宜開款申報該臣會同貴州監察御史應朝卿議改縣之舉不特於國家治體在所當行揆之地方民情必不容已如鎮遠府之鎮遠縣都勻府之清平縣思南府之印江縣皆改之即安人無

開土地石星則欲爲陛下燈土地矣陳思欲爲安疆臣增戶口石星則欲爲陛下損戶口矣陳思欲用夷變夏而改流爲土而石星不能用夏變夷而改土爲流石星納安疆臣之賄欲改易會典以增其十司之全不念皇朝一統之盛而自削版圖忍使有無縣之心由其謀不足以尊君而遂至於辱君才不足以禦亂而常至於釁亂西南之夷從此多事臣不曰陳思王嘉猷而曰石星也大抵夷司之於流官有二端非納賄以結其歡則以激變挾之若臣彼不敢以賄至恐以爲激臣謂取安疆臣無難事三策焉初不法則念安疆臣之年幼許其自新即陳思王嘉猷不遽加誅苟能改行從善則錄其輔導之功而有其撥置之罪可也再不法則照先年虎安國亭故事革其冠帶責令縛獻奸徒不得以死屍抵塞俟其懲創而後復之可也三不法則撫院廉其惡狀開具奏聞率三省之兵以攻其外調各土司忠義之兵以攻其內裂其土地而分之絕其世爵可也今安疆臣未奉明旨遂霸新貴縣臣欲審安疆臣人稱年幼不知取其回文徒增陳思一番狂謫行布按二司拘陳思王嘉猷面審建縣始末以便題覆以完考成安疆臣藏匿不發先按臣至彼安疆臣不服考察今不服臣查勘皆恃

貴州通志

前事志十三

四二

石星而爲之石星之誤國豈淺鮮哉臣與石星素厚今日之事寧負石星不敢負陛下故據實陳之伏乞勅下兵部令石星有則痛加省改無則益篤忠貞察夷情之二端探臣之三策安疆臣雖係初犯罪惡異常的議停妥上請聖裁勿文前疏之過以長士會之惡從此天子之餘威振遠疆臣之亂萌消庶幾戢石星失之東隅收之桑榆也再照藩封爲天潢之派來京尙不敢煩安疆臣恃其富強揀選一番捷士每月走筆殺之下志將何爲更勅下五城御史並錦衣衛官校盡行緝拿是亦塞官邪之路示儆遠之尊矣萬歷二十五年五月內設都察院題發奉聖旨是巡按御史審究具奉欽此二十六年四月巡按應朝卿題覆奉聖旨是陳思等著該撫按官責令安疆臣解發勘結若再庇護參來重究新貴久已設縣不必再勘餘依議欽此

又疏曰

臣等

題爲

土酋

賄殺

人

汗及

朝士

懇乞

聖明

賜

嚴旨

以

救

生靈

以

塞

邪

邪

臣

等

著

該

撫

按

官

責

令

安

疆

臣

解

發

勘

結

若

再

庇

護

參

來

重

究

新

貴

久

已

設

縣

不

必

再

勘

餘

依

議

欽

此

又

疏

曰

臣

等

貴州通志

前事志十三

四三

三千生靈死在旦夕朝紳數輩受其點汚事難縱縱臣謹會同巡按貴州監察御史應朝卿敢爲皇上陳之先年安萬鎰爲宣慰使恩撫安國亨父子國亨反殺萬鎰父子撫臣阮文中文何起鳴按臣鄧國仕秦時吉二次題奉聖旨允行將其孫安國貞安插織金臥這地方設官坐鎮今國貞次子安定告安疆臣燒燬官解劫擄家財臣將安定發按察司羈候處分安疆臣抗不服勘去年候報緊急兵部咨行臣衙門調兵土司臣議安疆臣自備衣糧遵行部文安疆臣本無行意忽於今年正月內集兵二萬劉營於省城三里之外以聽調爲名實欲擒殺安定並殺新貴縣主簿甯國梁臣與按臣以靜鎮之且不逆其詐檄召安疆臣赴軍門親領犒賞即日發兵東行乃計窮氣阻遂爾解散安疆臣殺心未遂仍用陳思謀令王嘉猷與陳秋光等十數人歃血爲盟先付銀二百兩封起銀二千兩竟以白日刺死安定於通衢臣當差官拿獲陳秋光唐明一等發貴陽府供招在卷省城非弄兵之地竊保乃在官之人安疆臣不知已犯王法猶伏兵四境欲盡殺其部落三千人揚言於道路曰我進大木數十根銀數萬兩可以斬殺自由撫按其如何欺侮朝廷如此臣聞之不勝憤恨適報安疆臣差羅景春等自京師來坐驛馬九匹臣委官拿解除皮包衣段發布政司遣回外摺得夷目李元育陳敬聖各書一封內稱寄途張近泉衙門使用銀四十兩審之張近泉淵名張矮子住長春一條街衙門差來京久住皆其潛藏者也又毛國康寄夷目書一封內云司主欽獎皆年丈維持之功在京行事羅西田大才弟不過指引代勞而已審之毛國康即毛懋康係工部吏與安會夷目結爲兄弟各衙門打點皆其指引者也又宋汝奇書一封內稱謝厚賜之宋汝奇係數萬巨商住武功坊西大街與安會父子相交凡打點銀有不敷從之那僧者也同行承差張鯨麟揭在京探得貴州應巡按參革安疆臣冠帶毛懋康引見該司承行吏章用吾先送銀二百兩轉尋監生鄭賓亭送員外某銀七百兩方得覆本免革進大木毛國康引見節慎庫吏萬璫都水司吏蔡貴宇各送銀一百兩托送郎中某銀七百兩求得覆本內旌獎數語禮部國庫引見吏虞榮恩送員外某銀一百兩求得題請宴賞又送車駕司某銀五十兩求勘合填欽賞字樣凡各部覆本承行吏俱竊稿與安會差人先看有毛國康邀帖約期可憑安疆臣票仰在京氣脈云李元育所稟欠使用銀知道了汝放心銀後而帶來

還不可擅用買辦衣段銀兩有親筆押字可證雖鳳坤等自去冬起身今年五月方回夷使在京之久甚非理法之宜即令恨張鯨麟等首告之真又還司更進獄中之毒大抵安疆臣金銀如邱山揮擲如瓦礫是以姦徒冒殺人之罪而甘爲之用安定三代含冤神人共憤三千人命臣等不容立視其死懇乞勅下兵部查照先年安插安國亨事例將國亨長子安邦仍居織金臥這地方聽其上班安疆臣燒燬官廨責令重修依舊舊坐鎮次子安定已殺其妻霑氏子鳳鳴孫孤兒寡婦安插着隴私莊王嘉臣等收充墾陽營以備征討無事聽其務農憐及孤幼并救三千之命不加月餉能增一營之兵與安疆臣永不相關如欲封安鎮二州先令沙卒謾告安定以爲兵端欲腐蔣義榮先令文家莊虛稱被害以爲戎首此猶賊故套不許沿襲折其逆謀以靖地方即皇上如天之仁枯骨復肉之恩也再照狎邪小人急於謀利士夫名節嚴於自閑或京棍聚徒競爲白撞朝士不知橫點青蠅因其吏以及其官而查察未真恐致國體之傷惜其官并惜其吏而邪資不塞尤爲國威之損更乞勅下五城御史及錦衣衛事衙門將張近泉毛國康宋汝奇嚴加究問并行各部將司吏章用吾萬璽處榮

貴州通志

前事志十三

四四

惠等依律查革被汚司屬令掌官覈實具奏使官無所染而誅其指騙則詐者正法官或容私而剪其過途則貪者寒心自後每有安疆臣楊應龍夷使到京勒限發歸不許潛住城外庶幾按本塞源孤鳳無所容其潛伏之穴治內賊外豺狼不敢逞其搏噬之兇矣其新貴縣既奉嚴旨無容他議若陳思王嘉猷仍前抗執容臣等將安疆臣罪狀另行據實奏請施行

外尚有黜陟邊臣疏請黜宋顯印而陟雷國梁

賜生還疏謂科臣侯慶遠論其舉動不當再及部臣人等

云又新貴南北西谷之縣四里伍千名民劉級等乞留江撫呈謂撫臺本以制夷而反爲夷所制

貴州通志

前事志十三

四五

州布政使司并督糧道呈稱軍餉缺乏庫藏難支該臣批行立法督追本省及

查湖川二省撫臣嚴追積通以濟時艱去後又經不次行催續據四川部解萬

歷二十四年分敘滿等府州糧銀前來其烏撒烏蒙東川鎮雄播州所欠俱未

完報又據湖廣回稱庫貯無銀難以遵旨那解而拖欠糧銀等難卒追止據分

守湖北道督解正徵僅完十之五六除行該司將解到銀兩接濟支放外查得

貴州通省府衛州縣司所站堡營哨文武官把軍兵每年供億該糧二十二萬

五千九百三十八石零銀八萬八千四百十兩零此分毫不可缺少者也今以本

省有司軍衛歲入屯科秋糧等項總計止有本色糧一十三萬四千八百石零

充軍餉及吏農事例銀內兼添發給即使三省通完尙虛撙撙而況拖欠一至
於此耶今查自萬歷十四年起至二十四年止湖廣拖欠銀七萬一千一百五
十七兩四錢七分七釐零四川播州拖欠銀二萬一千二百二十七兩九錢烏
撒府拖欠銀六萬七千二百七十九石六斗銀三百七十六兩七錢烏蒙府拖
欠銀一萬五千五百四十四兩四錢東川府拖欠銀一萬五千六百三十三兩銀雄府
拖欠銀三萬六千一百一十七石以上二省共拖欠糧一十萬三千二百九十六石
六斗銀一十二萬三千四百四十六兩四錢七分七釐勢已既乏復加以征剿
播酋及地方添置防伏計之所費又皆額外之出則何能使庫藏不竭故先撫
臣葉夢熊彭富履催不完特疏題請兩奉明旨令湖廣布政司將庫銀借解濟
用候追各府州縣補還詎該司託言災傷毫無起解二十三年九月內又該
撫臣林喬相題參至十七年止欠銀二萬一千四百七十七兩零該戶部覆開先據
湖廣撫院咨稱除陸續解過外止欠四千七十七兩零於二十三年三月內差
官邱舜卿等解赴辰州府交收轉解訖今稱前數未完或由該府轉解稽遲合
行湖廣撫臣覈實奏報等因奉欽依備查在卷今臣揭卷行查而該省布政

貴州通志

前事志十三

四六

司回稱前銀係完十九年以後之數緣各屬難從撫院改充考成十七年以前
之銀在彼既不借解又不嚴追仍復以虛數遷延不幾於回廢明旨哉及查湖
北道自專責以來近日完解正徵頗多蓋由兼督之注稍可行也至若四川四
土府屬川南道該道與貴州原無統轄是以視土司之拖欠慢不經心縱有告
急之文玩如秦越貴寧道亦難以兼制之令行之矣若播州屬之上川東道臣
奉勅督理履行備納半年得一回文但依楊魯巧文虛塞尤稱道路不通臣移
文四川撫按切責楊魯始認二十四年五年之額臣喜其來而誠信之將促其
解而漸諭之也照得貴州漢少夷多不得不鎮以兵威之重田少山多不得不
望於鄰省之濟先因二省解運不前爲之那借以待其追補今則追補不足年
復一年積虛已極其在布政司庫者除探木銀兩外僅有五千餘兩各有支使
欸項十三省之司餉未有如貴州之誦者貴州素稱瘠薄之省未有若此時之
甚者計算軍餉將缺一年之額搜括庫藏再無那借之金不但變生肘腋不能
趨饑夫以臨戎即使軍狃承平亦難枵腹以度歲此臣之所以苦心焦思而不
得不預爲之憂者也伏乞皇上軫念邊陲重地垂憐邊軍無食可虞速勅該部

再加查議上請將前項拖欠銀糧行令川湖二省於庫貯銀內借解接濟候各
追徵補還或將以後年俱聽二省徵貯司庫照濟邊事例依時解發及將川
南川東北照湖北遺軍督事例責成催完楊魯等不納專責之川東道不得
聽其飾逆之辭四土府錢糧拖欠專責之川南道不得坐視鄰封之急蓋楊魯
之額納未解而通負甚多是以諸土府降罰所不及而觀望效尤者名順而實
逆各土府同知通判等官吏方所不赴而職司督辦者名有而實無且專制於
二千里之外受害則在貴城之中乞天語叮嚀嚴令二省撫按一體催督司道
等官仍前推委不聽約束容臣據實參治庶官守知警無掣肘之累兵食有資
不致脫巾之變矣

按川湖協餉此後李督亦一再言之於此可見當時黔力之絀

高岩苗連入新添衛掠財劫獄巡撫江東之徵漢土官軍討平之

疏以疏名題功題爲強賊嘯聚劫城官軍剿捕獲功懇乞聖明分別功罪以
示激勵以靖邊境事臣惟貴州俗殊禮義之鄉人習食殘之禁故求其大治必

貴州通志

前事志十三

四七

至於大亂臣願以不治治之也當羽糾結勢將猖熾如者牙巴魯等處用兵數
載而後底平則與其遺患於後不若撲滅於先臣又不敢以不治養之也臣甫
任已將禦苗事宜開欸申飭通行衛所營哨加意設防且節損公費增置募兵
官道封徒稍覺欽戰至萬歷二十五年正月二十五等日據新鎮守巡二道及
都清守備等官各報稱本月十九日更餘時分被苗賊一百餘人越進新添衛
東城行劫致仕僉事姚允升家當有門軍傳報印捕指揮何鼎臣陳堯年馬鎮
國巡城納級指揮王之將把門千戶傳應爾倉卒聞警督軍救護一時人集未
齊賊衆勢難敵殺傷官軍砍門衝出各官軍食夜跟蹤追緝等因報臣隨批
將失事官先行照例俸勒限緝拿真正賊賊解報報據印捕官追捕擒強賊
阿成阿耿斬獲阿郎首級捉獲賊屬二名平越衛指揮郭維藩督哨總唐仲拿
獲阿枉麻哈州知州蘇九阿差兵擒獲阿成阿喇阿明阿播阿羊阿銀斬獲阿
毛阿瑪二級生擒賊屬一名守備陳尙策差兵獲娘孟各連賊解到該道發都
勻府推官李廷審驗供招問復據二道報於二月十九日苗衆復越新添南城
則奪獄中夥賊因見軍兵防護嚴備徑奔致仕同知趙時騰家撞破重門吶喊

劫殺印捕等官率軍圍敵各賊抵敵放火焚燒房屋當時殺死數苗即被搶焚火內止斬阿浪首級一顆苗因火盛乘銳奔出殺死軍人五名殺傷二十七名等因又報到臣即批行嚴緝節據威清二道呈稱苗賊進城焚殺死官軍見今嘯聚水洞黃苗山肆放木刻猶欲復劫城堡取回被獲諸賊若不重加創懲將來士民何得安生該臣批行按察使兼監軍道還議回稱新添衛密邇會城正臨孔道乃二旬之中城內雨被焚劫漸不可長今二道詳議剿辦麻喇等寨查得前賊尙聚山洞未歸本寨則多兵圍繞一鼓可擒臣恐不的又經差官探報相同臣敢相繼征剿奉勅施行乃密檄行調都勻府獨山州土同知蒙天眷男蒙詔平州司上官湯治安各土兵一千名并發臣標下坐營中軍官張樹帶領指揮楊大材把總邱富郎武會千戶封進德所領撫葉定遠千戶王嘉言名色把總越其進督領省兵三百名前往聽候二道遣用及預令守備陳尙策千戶劉嘉爵王繼芳等各練兵聽候臣隨遣官督執令旗令牌給發二道收據肅軍威切禁妄殺而舍人王道友因與同謀恐致敗露乃倡言軍營力請招撫往來軍中潛漏聲息該道訪得交通情節擒拿軍門一面遣兵圍掩高寨賊已

貴州通志

前事志十三

四八

知風隨出迎誘指揮楊大材把總越其進等督兵力戰斬獲阿由阿移首級二顆餘賊遁入夾營山百里等官兵懼有埋伏不敢前進收兵把總蘇知州擒賊二名解道斬示至初六日蒙楊士兵齊集副使詹啓東僉事梁銓親詣監督於初七日分兵四面並進楊兵攻其前蒙兵襲其後官兵隨處施放火器苗首負險拒敵矢如雨自辰至午楊治安土兵始斬賊級一顆蒙詔土兵攻破其巢斬首一十二級賊衆驚潰散亂漢土兵分路截殺千戶王嘉言名色把總越其進生擒二名千戶劉嘉爵百戶張守忠等督兵斬五級守備陳尙策督兵斬一級知州蘇九河差兵生擒三名斬一級哨官馬如麟生擒二名陳尙賢斬一級哨總楊一元斬二級都保王文斬一級生擒一名餘賊乘夜潛入深箐未經窮追各將功級俱解二道審驗隨查陣亡漢土軍兵八名陣傷六十四名各驗明訖紀先後斬獲首級共七十四顆賊屬三十六口共計一百一十名口各賊供越劫分賊情由具報到臣隨發火牌令二道傳諭附近鄉寨苗民各安心住種辦納糧馬儘有惡苗許令自行擒獻及據解到論斬功級并續獲賊犯發三司

會同研審該布政司左布政使楊歸儒按察使曹司勳署都指揮僉事張雲翱及監軍道等審問生俘強賊所供劫情無異覆報姓名相同委俱夥賊並無枉曲會招呈詳覆行按察司審確具招前來該臣看得都勻一帶所轄州縣土司盡屬苗而麻喇等寨尤爲負固且近江外眼闊狗場等寨自來無管生苗聚則相爲應援散則逃奔深箐其桀驁有由也今加以衛所軍舍勾引何異開門揖盜若兩劫禁城之慘尤設衛以來未有之變幸而逆黨不至於蔓延臨陣微得於斬賊姚趙二家之劫賊幾盡蔡仲各種之逃移招安革苗漸革狼心實仗皇上於赫之威殘孽尙懷家突皆臣不職之罪也除將賊犯已悉三司會數明白擒招另具題請斬功級用過錢糧聽按臣至日覆奏奏報其效事獲功臨陣死傷員役俱經照例獎賞優恤外所據各官禦侮捍忠皆其封疆之職守而糾罪論功乃明朝廷之紀律如新添衛署印指揮何鼎臣巡捕指揮陳堯年協捕指揮馬鎮國把門千戶傅應冠巡城納級指揮王之將等職均城守事承平始而劫掠公行於禁城難免縱賊之罪竊而人賊多獲於限內頗有擒賊之功都清守備陳尙策駐劄麻哈原非近在同城領兵高奏尤能身先士卒以上武

貴州通志

前事志十三

四九

臣所當容其以功贖罪責其緝拿餘賊者也都勻府推官李鉉城池非職業之司追緝頗提調之力且計禽勾引之姦軍拔除地方之禍本麻哈州知州蘇九河督率鄉兵既多獲醜曉諭夷寨又有獻俘分守新鎮道副使兼參議詹啓東老成持重動中機宜分巡都清道僉事梁銓任事慷慨躬當矢石且查新添失事皆非駐劄之城稽其夾擊成功多由指示之畧以上文職所當念其苦心錄其微勞量行紀錄者也標下中軍以都指揮體統行署指揮僉事張樹志銳策功令嚴督陣指揮楊大材會舉千戶封進德千戶王嘉言劉嘉爵名色把總邱富郎越其進皆勇可先登力能鏖戰應從優敘以備緩急之用再照貴省物力素詘凡遇驅策必先土司如獨山州土同知應襲蒙詔平州六洞長官司副長官楊治安各經應調趨事勤敏督兵千名裹糧致命首捷賊鋒終收全捷及查蒙詔父蒙天眷近年縛獻老省朝及斬樂禮生王華三戰三捷皆獲倡亂之渠魁今子蒙詔聽調宣威斬級一十二顆尤見其忠貞之世篤楊治安今次斬賊雖少生平首功甚多萬歷六年鄭仕紹以剿賊脫逃幻法惑衆楊治安擒獻正法曾荷聖旨這逆犯鄭仕紹著依律凌遲處死便決了傳首各土司臬示楊治

安陞一級賞銀十兩彭永年再賞大紅獅子紵絨衣一襲彩段二表裏今後各土司官都著循禮守法奉職寧邊如有前項無籍姦徒聚黨遊談及左道妖術煽惑為非的即便緝獲送官照例陞賞敢有藏匿故縱的事發一體連坐重治不饒還通行曉諭他每知道其餘依擬欽此大哉皇言真明見萬里之夷情而切中土酋之姦蔽如蒙天眷楊治安不立私交樂當公戰所當大破常格特加優獎使知功懋而懲賞忠順者有所慕而益勸則論功必論罪跋扈者有所畏而改途此臣一念之愚忠非敢有徇於土司也伏乞皇上勅下該部覆議上請將何鼎臣等六員姑以功罪相準或量罰俸戴罪緝賊詹啓東梁銓李珏蘇九河姑准紀錄張樹楊大材封進德王嘉言劉嘉爵越其進等量行紀敘查土官例無陞職當此土酋縱橫之時亡命交張之日將蒙詔楊治安遵行前旨陞級優獎庶內臣有所激勸而益修禦侮之職土司知所嚮風而共輸用命之誠矣

阿璘集

按據瑞陽阿集所載此外有請重捕權以風用命疏
任事處捕獲一併送
核計口捐銀兩方得數級之賞付不豫時而應徵之支講又臨事印指
探高招捕銀兩生事滋訟由官督辦不豫時而應徵之支講又臨事印指

貴州通志

前事志十三

五〇

文而求之資否最易失其如日由印官自認指責終身無辜之期人已常
以印補互調以均利時勢嚴軍令文告與將士訂安邊徵盡職守文告辰
招諭宜長官清苗糧牒文藝住不靖充實軍伍以圖禦苗之嚴行賞
罰牒文亦定實備器械招集流民文告勸民歸市立保禁三級高樓以
業申嚴禁約文告苗與私入延訪文告求創制苗如買苗之材朝等皆無非
為黎靖一帶苗設此外尚有體恤軍衛士卒各文要亦皆以苗患重而留意
武事李督亦兢兢以播逆招苗為憂則當日之苗勢可知此皮林之役之所
以繼起也

兵部尚書余繼登請罷四川礦稅以佐兵食

時將討楊應龍繼登請罷四川礦稅以佐兵食帝不省

二十七年以御史宋興祖巡按貴州

三月乙未巡按御史宋興祖至貴州

興祖中江人以進士授官萬歷二十七年為巡按貴州御史楊應龍之亂佐巡撫郭子章請兵增餉守貴征播大著勞績

二月謫包見捷
按考史以論礦稅故

三月癸未命副都御史郭子章巡撫貴州已亥起前兵部侍郎李化龍總督川湖貴三省軍務

貴州巡撫江東之令都司楊國柱帥部卒三千剿楊應龍奪三百落賊伴北以誘官軍至飛練堡殲焉國柱及指揮李廷棟等皆死焉事聞東之以郭子章代之三月己亥起前兵部侍郎李化龍總督川湖貴州軍務調東征諸將劉綎

吳廣陳璘等貴州巡撫江東之令都司楊國柱指揮李廷棟部兵三千剿楊應龍

應龍龍遣子朝棟弟兆龍何漢良等

奪三百落賊伴走天邦國誘我師殲之楊國柱罵不屈與經歷潘汝資等俱死

於是江東之坐浪戰罷以郭子章代之起前都御史李化龍兼兵部侍郎節制川湖貴三省兵事決意進剿調東征諸將南征劉綎督川兵先發麻貴陳璘董一元相繼回兵

子章字相奎秦和入隆慶五年進士萬歷二十七年以右副都御史巡撫貴州宣慰楊應龍反巡撫江東之以劾罷帝難其人廷臣交薦子章常用焉子章三月癸未受命五月己巳至沅州六月至貴陽巡按御史宋興祖於三月己未至貴陽子章初至級所部兵不滿五千帑藏亦虛乃與興祖連疏請情懇切當事為之感動如所請再請又益之前後累遭銀四百萬兩漕糧三十萬石子章乃稍簡文武僚吏以重兵守貴陽別募兵守偏橋等十二處以兵八萬屬總兵官李應祥令都指揮王納張乘忠守貴陽副總兵陳寅陳良珪參將朱鶴齡都揮指徐成皆令出征聽調總督調遣右參議加按察使楊寅秋參議張存意有才智熟於戎行皆令監軍其餘如布政使應存卓參政郭廷良王邦俊參議梅國樓張文奇按察使易登瀛副使尤錫類洪澄源路雲龍陳寅與相哀應文會事加參議梁銓貴陽知府劉冠南同知徐廷綬通判夏勳皆分任使事有備故事貴州雖行省而仰給於川湖以湖廣地遼闊而四川為沃壤也播事起朝議三省合征貴故弱於二省與播尤密邇新有飛練堡之敗人心未振東之又曾以事劾安撫臣安氏與楊氏為婚姻相居齒故有內顧之憂事獨難於二省子

貴州通志

前事志十三

五一

此為試讀，需要完整PDF請訪問：www.ertongbook.com

章與興祖綢繆備至又用寅秋計內撫安氏密解其罪而後播州失羽翼明年始與總督李化龍湖廣巡撫支可大督師進兵既而貴州兵有烏江之敗貴陽戒嚴寅秋卒率安氏兵深入播州以平志貴陽

按貴志總部錄此文殆本之江盈科平播銘及鄒德溥郭青螺祠碑記江公之罷據明史本傳謂以京察被劾免官復以遣指揮楊國柱討楊應龍敗績事黜爲民與此小異然明紀等文或但撮其畧耳蓋據瑞陽阿集所載劉叔等留公各文則公之去實以疆臣事也傳文爲實

楊應龍陷綦江參將房嘉寵游擊張良賢死之

五月應龍乘大兵未集勒兵犯綦江已亥奄至城下時賊兵八萬而城中新募兵不滿三千參將房嘉寵游擊張良賢戰死城遂陷賊盡殺城中人投屍蔽江水爲之赤時僞軍師孫時泰請直搗成都劫蜀王爲質應龍遷延聲言爭地界冀曲赦如獲時李化龍以徵兵未至亦謬爲好語縻之冬十月帝聞綦江破大怒追擬前四川貴州譚希忠江東之職而賜李化龍劍便宜討賊紀明五月總督馳至蜀即請設標兵益調募浙閩滇粵將士檄總兵萬鏊自松潘移

貴州通志

前事志十三

五二

重慶并調集鎮雄各漢土兵設防六月楊應龍乘我師未集大勒兵犯綦江分屯趕水貓兒岡英國等以偏師一犯南川一犯江津其子朝棟守沙溪緝麻山防永甯宣撫與貴州十七日游擊張良賢遇賊舊東溪頗有斬獲二十一日應龍督苗兵圍綦江城數匝參將以原文作參將房嘉寵誤熱火磚反傷城上兵賊乘勢登城嘉寵帥師巷戰蜀兵爭謀走水上嘉寵乃殺其妻與良賢赴敵死應龍因劫令縱囚焚掠出綦江庫犒師依倉就食盡取資財子女去老弱殺之投屍蔽江而下水爲赤退屯三溪以綦江之三溪無度度舊省志作度母南川之東鄉壩立石爲播界號宣慰官莊聲言江津合江皆播故土總督郭子章覽按明鑑均只作子章無播字此殆因總督及子章也日夜徵調漢土各兵守渝城分戍南川合江瀘州軍聲漸振賊遷延不進初賊本無意竟反徒以安忍猖狂既覆我師飛練則騎虎勢不終下益結九股生苗及紅黑脚等苗負隅弄兵然猶冀我如往事曲有未敢鼓行深入止言爭界營葬并索奸民而總督因我援師未集蜀人畏賊如時時移文詰責示無遠絕意計以緩賊賊果具文求撫不復西向總督亦謬爲好語縻之止駐會城調度示無張皇已上聞綦江破追擬兩省撫臣譚希忠江

東之各爲民綏靖遣兵備使王貽德賜劍懸賞嚴旨進剿總督益調各路兵專俟大舉紀本

五月貴州巡撫郭子章馳至蜀請設中軍標兵益調浙閩滇粵將士先檄總兵萬鏊自松潘移重慶並調集鎮雄永甯各漢土兵分守南川合江等處六月已亥楊應龍陷綦江時應龍乘大兵未集亟攻城城中新募兵不滿三千賊兵八萬奄至圍綦江城數匝參將房嘉寵誤熱火磚反傷城上兵賊乘勢登城嘉寵帥師巷戰蜀兵爭謀水上嘉寵乃殺其妻與游擊張良賢俱死之應龍因劫縣令縱囚焚掠出綦江庫犒師依倉就食盡取資財子女去老弱者殺之投其屍蔽江而下水爲之赤尋屯三溪以綦江之三溪毋度南川之東鄉壩立石爲播界號宣慰官莊聲言江津合江皆播故土益結九股生苗及紅黑脚等苗負險弄兵爲助時郭子章調土漢兵漸集軍聲漸振賊未敢鼓行深入但以爭界給犒爲詞仍具文求撫會總督李化龍至以援師未集蜀人畏賊如虎亦欲以計緩之時時移文詰責示無遠絕意而應龍僞軍師孫時泰說應龍直搗成都劫蜀王爲質然應龍尙冀曲有遷延不進化龍至成都亦謬爲好語縻之已而

貴州通志

前事志十三

五三

上聞綦江破追擬兩省巡撫譚希忠江東之各爲民賜化龍劍便宜討賊調各路兵至以圖大舉明通志按紀事本末始云五月總督馳至蜀請設中軍標兵益調漢土兵軍聲漸振後又云總督郭子章日夜徵調漢土各軍明通鑑亦云貴州巡撫郭子章馳至蜀請設中軍標兵下又云子章調漢土兵漸集軍聲漸振化龍乃至考平播全書請設中軍及徵調漢土兵皆李督所爲謂設中軍及徵調漢土兵皆有說青螺集則無其事郭公二十七年所上疏文且子章黔撫徵調請設何事至蜀也本末所云之總督子章總督下殆造化龍名抑或言總督及子章明鑑說則不知何據又鄒元標江公傳云最苦心者播賊饑五司五司在黔門庭中日苦殺戮公以赤手枹腹鼓舞數千兵士即不克乃其心在報國足錄而諸臣未履疆場乘公致仕以文墨繩公後得削籍報公遂飲恨死嗟哉其爲公痛者深矣

又按房張之死李督有請褒賡將官疏有飭建二將祠宇札有祭二將文均載平播全書祭文有云逆賊淫惡以遏荼毒生靈原野厭人之肉川谷流人

之血數年來未有顯言誅之者何也懦者以私孽者以賄苟就一時之利而不顧國家久遠之害顯言誅之自房將軍始又云張將軍一戰東溪再戰四坵奮臂一呼萬夫辟易斬將奪旗潰圍陷陣何其壯也終以力盡援絕鼓衰士散竟至以身殉城然其英風義烈猶足吐懦夫之氣激壯士之肝云云請褒廕疏有云嘉龍曾以賄來則却之以使來則斬之懸賞招降張榜征討其視應龍居然裨中之蟲豈其不知彼己而甘與爲敵思激於心義形於色直欲掉逆賊而平吞之又云張良賢以松邊名將誠勞有功諱謫戍協守至總數日與房犄角轉戰於三十里之外殺入重圍出而復入者三次勢不相當始議城守終以孤城無援奸細乘之遂城與身盡又云初聞賊破城有爲嘉龍計者欲移家他方身自爲守嘉龍毅然曰我爲主帥一移家人心遂搖城誰與守死則閤門死耳比城破乃自殺其妻而後以身殉張良賢見城不守欲刃其妻其妻曰爾自戰吾亦門賊而死遂持刃向賊衆爲披靡既就執賊衆義而釋之嘉龍之子亦無恙忠臣義士皆鬼神陰爲相護其家云云至二人忠填貫日氣可成虹提一旅以捍危城率孤軍而當大敵斬將奪旗

貴州通志

前事志十三

五四

一代之英風不泯成仁取義千古之俠骨猶香數語則諸廕疏及建祠札同用之皆盛稱二人之忠義若胡汝甯則謂其計無復之投水而死等死耳胡不以一矢相加遺尙獲戰死之名奈何其不善處死乃蔡江志載二將死事記乃醜抵房而盛稱胡豈房本相庸李督特故旌之以獎誘後起耶抑俗腐固知至計戎馬仇仇事無萬全持論但當原心彼乃不察其大而專毛舉人之細也茲特并附其記以備此役異說之參考

附蔡江縣志張房二將死事記 游擊房嘉龍守蔡爲萬歷己亥歲所部騷擾市民側目近縣竹木估伐一空二月間聞逆黨張讓英國來侵蔡率兵追至華墩賊已遁去房乃於楊崗溪斬獲十二顆中有誤殺者四月中播人周撫六來蔡販鹽被仇家捏報駭載礦房即追拿梟首於市聞者冤之六月九日商人水三領播民十二前來投順房以爲細作亦斬於市楊應龍緣此藉口大發苗兵聲言報仇出巢犯順順報日急房重禁市民搬移違者縱兵搶奪仍令城外入盡移城內謂賊莫敢襲城也二十日賊抵至登壩張游擊挺身前門約房爲援房伴應之乃於雞公嘴下揚兵作威助聲勢張拔苗

兵圍繞數重振臂一呼苗皆辟易衝出重圍欲再前門廟無援兵居殿而退即語房曰今日之策空城爲上母重以蔡民羅鋒鑄也房不然其計明日賊縱兵圍城二將率兵至望城坡憑城約戰房放火箭藥發自焚賊乘勢殺入城遂陷男女被死萬計被擄千餘爲目把總何漢良坐踞縣堂封畧庫藏焚毀倉儲應龍雖還尙留三寨蟠踞遠近劫掠此二十四年舊志原文蓋當時李悟菴所見而手書者是生邊警者房誤蔡民者亦房畏師辱國罪無可辭而當事者稱其死難列名在張將軍上乃其時尤有冤抑之守備胡汝甯百戶蔣懋賞胡汝甯漢中人以守備陞湖廣都司道經淪州謂知府張興行張曰現蔡江有兵警足下何不替朝廷出力而他往耶汝甯激於義遂輕騎來蔡將與房張協守王生員張銳家到之日賊已堅壁謁房出語張生曰主帥自用計畫不行苗兵衆且悍不以計迎戰而欲延敵入境以孤城抗之必無幸矣及臨戰手殺數十人援兵不至死亂軍中無有上其事者名遂湮沒百戶蔣懋賞練兵守城與賊大戰自望城坡轉戰至後街又至北門力盡而死無人收骨終泯泯無聞

貴州通志

前事志十三

五五

播楊應龍遣目把撥掠黃平平越邊境并使奸細窺覷各地情形總督李化龍奏請獎勵把截破獲有功員役報可

化龍疏畧曰題爲將官陸續擒獲奸細斬獲助播小苗類敘奏報以消姦黨事

茲將各員姓名開列 照先該臣訪得播賊因見川省設兵有備無能竊發乃以目把姦徒裝扮漢人出入黃平偏橋一帶或招苗劫掠爲害或打探遠近情形亦有內地軍民利會金帛所引或潛踪影迹與人走透消息甚至以遠禁硝磺鹽布等件搆入爲奸者牌行貴州按察司并守巡兵備等道及轉行將領等官各將鄰播一帶要隘地方嚴加把截盤詰奸細如遇播苗出沒併力擒斬有功員役先行犒賞事完優敘設或怠玩從重究處各等因節次申飭去後今據前因

據報該臣謹會同巡撫貴州兼督理湖北川東等處地方軍務都察院右副都御史郭子章議照賊自蔡江之役不敢復入四川獨以貴州兵力單弱故姦細往往出沒其間乃貴州罕獲奸細共七起多在黃平平越之間是賊所垂涎者意可知已而郭天俸兄弟 由白龍進越過潯江廣西州府縣人十月十九日

天文地理圖二張通天燈火傳收城書虎神捕獲賊首二名賊黨佔寨小寨垣垣各一本外占風五張標題各一本大標明歷統紀要敘二本風鏡占寨小

中府七日石口渡住民影彭應順所護申佩
 王表 甄別應龍平之舉將劉敬呈奏備
 實平叛民吳志傳等森四籍苗兵三百楊
 刻資使陳英平逃回籍兵再東二所李貴
 日係四牌寶作圖作楊再東二所李貴
 東等刻牌寶作圖作楊再東二所李貴
 江二刻牌寶作圖作楊再東二所李貴
 密松西利福阿寶阿桑老二苗苗一級
 百三百苗老苗一管一千回寨九山股新
 義東城人哈比提爾奇希功勇王嘉播
 有九月及勝十二日臣等委為土軍也侯
 位七拔賊總總把白蘇等分兵兵所安焦
 州省城駐七月十二日吳應泰三司以通
 播撒治入等分別情罪或斬或戍以消奸
 黨者也斬獲小苗功雖不多然自飛練喪
 股黃岑案膽四牌七牌諸苗助播為虐往
 之場莫敢誰何自阿亮射中盧阿反

五六

對所
 按臣下並敘有七月初九日白民河上舍請議定端緒七事統飭各屬等因
 任清鎮守備今移駐未卽死而魄已奪此後校河斬獲二起
 黃平即李朝驛侯家屯元郭世重安江
 所掌據所殺殺斬獲四起兵氣稍振故阿亮阿保與史良將李朝陽王嘉賓等
 相應加賞以作士氣者也夫細作甚微苗功甚小臣等非不知瑣瑣者不足以
 濟天馳而必爲之鼓報者功無微而不錄則人知建功者必不遺而益勸於巨
 賊無細而不誅則人知助惡者必不赦而漸散其黨未必非鼓舞人心之一助
 也伏乞皇上勅下兵部議行臣等將郭天祿杜老冬等明正典刑張五十吳
 二弟等遣戍還方將阿亮阿保史良將李朝陽王嘉賓等分別獎賞庶刑賞既
 明士卒益奮矣奉聖旨是
 貴竹陪危直隸監察御史貴州蕭重望疏陳計安桑梓四策飭下督撫諸臣議覆總
 督李化龍奏請的議施行報可

疏曰姓名陸貴州容城人佐募苗兵題爲貴竹陸危敬陳安邊四策以佐緩急事萬歷二十七年六月內准兵部咨該巡按直隸監察御史蕭雷望題前事內開一清尺

五七

籍一議督餉 拓疆圖一督積通本部覆議黔地彈丸之區實通滇咽喉之路乃今狂囚肆虐事勢岌危以故慮周桑梓策計安撫除事隸別部者聽其徑自議覆外所有事關本部者相應開列前件覆議上請定奪等因又准戶部咨同前事俱題奉欽依備咨前來除移文黔省撫臣及通行貴州布政司會同按察司查議去後續據二司通詳及撫臣移咨到臣該臣謹會同巡撫貴州兼理湖北川東地方軍務都察院右副都御史郭子章巡按四川監察御史趙標巡按貴州監察御史宋興祖議照貴州古夜郎羅施之地夷漢雜居所宜因俗爲治難盡以文法束縛之者第事貴審時勢須變通當甯謐之會則法網自宜闊疏值勦勤之秋則綜理無嫌微細今御史以事關桑梓上言時宜誠綢繆牖戶至計所有列款募苗兵移大帥更裨將圻府佐與責成清查積逋錢糧等件均屬目前急務既經該省二司詳議允當又該臣等覆查相同應合照款開列前件議擬具提伏乞勅下戶兵二部再加查議如果相應覆議上請行臣等轉行遵照施行 一清尺籍募苗兵御史蕭重望議謂貴州各衛所領軍脆怯欲汰去老弱勾補逃亡又應責成各長官司召募苗兵等因本部覆議應行總督撫按

州通志

前事志十三

五七

體統至若普安接珍滇南改將增兵勢固難已龍泉爲思石要區宜設協守府佐但事體更張不厭詳慎應行總督撫接悉心會議妥當具奏以憑覆請定奪前件臣等看得總督設於四川原係重軍取輕部覆已明無容再議總兵始以防苗設於銅仁今銅仁地方稍稱戢寧偏橋播爲思方殷委應將銅仁總兵移鎮偏橋以重彈壓清浪參將移駐銅仁銅仁守備移於清浪一轉移間事體俱便普安守備設於安莊衛接壤滇中夷苗錯雜委應改設參將一員第今防播爲急應將銅仁參將暫移興隆普安參將暫移新添通候事定之日仍回原鎮見任普安守備趙大用聽調別用思南府佐原少委應增設府同知一員駐劄龍泉與思石守備協守即以附近知州資俸相應者陸續查得土司吏目半不到任合無酌量裁革四員少資薪俸不足行該府於餘稅銀內另議仍照四川建武安邊同知事例頒降關防以便申達軍機夷情至於總兵參將各官敕書通應開職信地責任行事一拓疆圍壯邊藩議謂黔省重鎮單弱可憂近日偏橋之事可爲殷鑒議待播事平定制楚之偏橋鎮遠平溪清浪又割蜀之永寧烏撒鎮雄以拓黔壤等因本部覆議列土分疆版圖久定不加會議猶恐

貴州通志

前事志十三

五八

楚蜀別有罕礙應通行三省總督撫按衙門詳加商榷要見所議割地之事如果安便可行即酌定改正不得私意執拗儻有未便亦明白聲言具奏定奪前件臣等查得黔省本蕞爾之區而平清偏鎮四衛又屬於楚永播烏鎮土司又屬於蜀似應割屬黔中以便控制但今地方多故一改革間彼此互相推諉以致誤事候寧謐之日通行三省另議一督積通議謂貴州一省每歲川湖湖濟錢糧在四川有司全完而土司與湖廣所屬節年未完數多等因本部覆議恭候命下移咨四川湖廣各將每年協濟貴州糧銀務要盡數催徵完解倘仍前延後通負經承各官聽貴州撫按麥治如經收人等乾沒侵隱領解負役在途遷延依律究治立限比追前件臣等查得貴州原額官兵募兵糧餉議於川湖糧銀內支給共銀六萬八千有奇募兵錢糧按季支領合省二十衛所官軍應支糧餉尚有半年未給者有八九個月未給者祇因湖廣長衡郴等府州縣錢糧節年拖欠銀六萬二千三百七十六兩四錢九分有零四川土司在烏撒烏蒙東川等府共欠二萬四千六百餘兩在播會楊應龍共欠二萬三千五百餘兩今應龍已無望矣其餘拖欠地除臣等另文行催外即使如數解足儘可補

支官軍與舊募兵之糧餉今值地方多事新募動兵必須增餉如蒙允念黔省物力難支乞照撫臣別疏所請閩廣等處准借庫銀三十萬接濟軍餉庶可支持伏乞聖裁奉聖旨該部知道覆奉聖旨依擬行

疏曰竊查題爲直陳地方艱危之狀以希特恩以消隱禍事臣受命總督三省防勦播會祇畏簡書冒死入蜀甫至則報會已親統大兵侵犯蜀境臣方調兵遣將書畫弗寧無何又報會已攻下綦江漸逼重慶臣且十道徵兵寢食爲廢目今兵漸集勢漸漸會亦且割兵境上莫測向往而我兵微將奪烏合之衆僅足自守無能撲滅此積衰之勢非止一朝臣不敢不勉竭庸駑力圖底定乃臣有所大憂者不在兵糧不在叛逆而在內地之人心此如厝火積薪而寢處其上不能一夕安者也

貴州通志

前事志十三

五九

兩解進不許擾害地方寫敕與他該衙門知道臣一見之不覺爲惶失措夫貴州何地此時何時而尙可爲此事乎蓋貴州原非省會止以通滇一線因開府立鎮強名曰省其實皆高山峻嶺軍民無幾尙不能當他省一大府有何名馬方物其誰不知之彼武弁貪奢無聊又見各省俱有稅使以爲貴州雖稱稱薄然但得誣奏聖明奉旨徵稅傳食萬里逍遙數月計至彼處即不如額且可充囊此不過爲身家之計已耳豈復有一毫爲國之心乎夫使其爲往已之貴州也止於無稅而已乃今自播會造逆一破偏橋枯骨遍野再戰飛練流血成淵至今驛路阻絕人煙稀少逆會且猖獗思還急於燒眉臣與撫臣郭子章每算及該省兵糧計無所之移書嘆惋今且驅遣民守危地小民如坐漏舟已有遑心驟聞此舉將謂稅無所出必括於民轉相驚恐勢必逃散退方孤城誰爲填實他日必有士卒不戰城門不守之勢而一方之勢去矣陛下天縱聰明必不忍以一方輿圖易數千稅課或亦未知地方情事謏然應之云耳臣以爲貴州稅使宜急罷勿遣使臣爲三方總督湖廣亦係臣屬亦有防播之事然其地去播稍遠中禍未深臣不敢多爲不必然之說以聳動陛下惟是四川貴州去播

甚遭受禍最慘民心最危時勢最急臣若隱默不言恐禍機竊發不可收拾當是時而言之則晚臣謹會同巡按四川監察御史趙標貴州撫臣郭子章按臣宋興祖出陳艱危情狀乞恩陛下伏望將貴州中使暫免遣行四川中使或令姑傳見收稅銀少辦方物暫取回京待播事寧靜之日另議

秋八月己卯詔暴賊楊應龍罪頒賞格

按平播全書所載李督奏上懸賞規則凡十一條一不論大小文武漢土官兵軍民人等但有能擒斬楊應龍正身者除照兵部原擬及今增定賞格陞賞外仍加賞銀一萬兩功級驗明當即給與一各土司如水西安疆臣永寧奢世續西陽冉御龍石砭馬千乘以至天全平茶邑梅等大小衙門有能督率部兵擒斬楊應龍者除照兵部原格陞賞及瓜分土地外其本官係宣慰

貴州通志

前事志十三

六〇

者加副總兵銜給蟒衣玉帶宣撫加參將長官及知府知州加游擊將軍仍各給飛魚服色的親子弟准遞加官職領兵頭目准授長官或指揮千百戶等官世襲一不論漢土官兵軍民人等有能奮勇先登入葉山關崖門關大灘關苦竹關板角關三渡關黃灘關烏江關者陞三級賞銀一千兩有能奮勇先登打破播州城者陞五級賞銀三千兩有能奮勇先打破海龍囤雖本身不能擒斬應龍而大衆驗係真正當先者陞七級賞銀五千兩一應龍手下軍師黃七孫時泰等謀士何漢良李旭戴貴張玉彭道張漢清何廷瑞陳太等督軍總管楊兆麟郭通緒楊珠楊明等內司總管何邦寧田一鵬田良玉等提調巡警衛守忠趙仕登謝朝俸張漢武羅剛朱敬袁守剛陳大恩石勝俸等苗頭總管吳金錢吳金富石朝貴曹萬曹嚴等各里頭目婁國張讓穆紹袁年袁登王繼先等及其餘但係領兵議事之人若有能率衆來歸或攜家歸附者以前罪惡盡除不問原有官者仍以原職守土原無官者授以指揮千百戶職銜令立功自効若能擒斬應龍者除照兵部原格陞賞外仍加賞銀一萬兩願爲土官者聽分其地世守內有楊氏親枝除擒斬照格

陞賞外投降者仍量授土職承其宗祀一應龍妻田氏子朝棟等能將應龍縛獻或致死獻出其屍准免本身死罪使得承奉其祖宗香火仍照部格量與優恤一管內僞內官葉喜受閭懷石等及一切守圍之人與實當頭目妻子能率衆拒圍以待官兵不容應龍走入者僞官照先登圍例給賞餘人照例陞賞若能擒斬應龍者除陞賞外仍加賞銀一萬兩一應龍桃溪莊丁五十四里八十八局人戶及節年招九股惡苗及紅脚黑脚等苗有能自己束身投出者並不殺害播民者仍管原業係苗民者量其遠近給以路費及照身批文發回原籍有能率衆舉義擒斬應龍來獻者與官一體陞賞一五司七姓之人有能擒斬應龍者有官者照土官無官者照土兵各破格陞賞仍賞銀一萬兩不拘原題三級之例一原格斬獲撥置同謀親信用事緊關從賊者將領遞陞二級官丁准照虜功頭目陞賞查例斬獲虜功頭目者應陞三級賞銀一百五十兩擒斬脅從者准照苗功計數倍賞查例苗級一顆賞銀五兩今加倍賞銀十兩一應龍頭目人等各係本省及外省人民各有籍貫俱已查明若賞格懸示兩月之後既不能擒斬又不肯投降直至拒敵

貴州通志

前事志十三

六一

交兵爲賊盡力其家即係謀反之家賊平之後即移文原籍將父兄子姪人等盡以謀反家屬誅誅一各土司有陽順陰逆逆還觀望不肯盡力即係附反之人賊平之日移師伐之一各將領如定有信地不行赴守定有師期不行赴敵及一切逗遛觀望畏縮退怯等情查照所犯輕重應收監者收監應斬首者斬首若軍士有犯徑行斬首又其下冊牌票內所載李督宣諭之人計七項一應龍本身一田氏楊朝棟母子一楊瑞龍楊兆龍楊祥龍等楊氏一族之人一田一鵬田良玉田種玉應龍至親一何漢良李旭張玉楊兆麟楊明楊珠孫時泰黃明敬何廷玉馬忠傳一元袁子童陳太何世才等一十三姓苗夷仲家苗黑苗苗犛苗木老子一作姜苗花苗菜家苗九股苗等一五十四里八十八局八路十二莊十三親管五司七姓內司外司頭目帶調坐寨人婁國張讓羅罕羅剛穆紹母柱王繼先袁年鄭葵駱朝賓趙仕登朱敬張漢清等一四方流寓七者其詞明白剴切語語動人茲以文多不備載

辛丑陳瑋爲湖廣總兵官鎮偏橋

總督疏曰補名請內題爲夷氛甚惡天討宜彰懇乞急發餉銀以佐軍興並

議增調將兵以圖底定事本年八月十二日據兵巡上川東道副使莫容報稱據南川縣申本月二十六日偵探應捕李一登向啓快手汪加忠回報據東鄉村逃回民胡禮稱說楊應龍差妻國壽把總張提調三人原領各名下苗兵各三百名假稱清理播界一面偵探內地動靜一面劫虜人財今縣屬地方如東鄉綠水鄧坎長壩明壩五村俱交連播界煙斷火絕萬種生靈逃竄已盡難以復其目把於本縣地名平潭河鑿一播字殺一人一猪祭碑又於本縣地名河坎石龍上鑿播州界三字又殺一人一猪一羊祭碑祭畢鳴鑼大叫各村俱要投播方許安插居住不然定將房屋燒燬人民盡殺不留有本縣地名溪園漕居民保甲牌內人戶聶華陳啓宗戴良資等三十餘家畏勢難逃遂自投順團案劉營其立意真偽皆不可知至於東鄉一帶地方熟穀俱被掠收於地名官壩豎立倉囤共一十七眼有家小苗數百看守等因本月十三日又據該道報稱八月初九日據高推官呈解奸細李朝諒係通播重犯李朝選親弟在楊會頭目何廷瑞名下何廷瑞令朝諒前來偵探內地情形因被拿獲本犯稱楊應龍自破碁江之後即劉營葉山關外今又移營松坎何廷瑞劉於苗兒岡又

貴州通志

前事志十三

六二

有小河臺住民柏益柏化鍾萬變黎文才張懷楊萬便等俱投苗分投入內地打探消息又有三溪住民李思顯造大船一隻在三溪河碁江投苗各民將民房樓板折去修造小船百十隻在河兩岸見今陸續修造未已李思顯已於八月初一日搭船出探事情未知今在何處等因同日又據貴州布政司帶管分守思仁道左布政使應存卓呈據石阡府申報七月初八日據龍泉坪長官司報稱本月初二三四日連據各哨把總報稱播會破劫石藩門又於馬頭山點兵數日但言伺候楊應龍令箭至日每兵草鞋一雙飯米三升不知何幹等因看得石阡孤城切近播境萬一逆酋衝突無將萬兵何以防禦合行飛報同日又據塘報千百戶胡維城岳鳳鳴各報稱本月初九日有房游擊舍人緝獲細作李朝諒口稱楊應龍欲回國因妻田氏出來不知為何事就住下今見在松坎地方離碁江三日路兵約有三萬楊應龍有叔稱楊相公領兵在苗兒岡沿途地方修倉囤積糧儲楊應龍在三溪口造船二百艘又稱在扶歡壩新修一國造倉積糧又據操兵王加重稱楊兵在官壩打土廠逐日尋糧上倉等情八月初十五日又據塘報千百戶胡維城報稱有碁江被虜兵王雲原係松潘舊兵從

苗兒岡逃出說楊應龍欲回國其妻田氏子朝棟并子婦等俱出來住在關上劉兵三十九營約有十萬之數將虜去軍兵使教士兵放銃製火藥倘教不會將我兵殺就又要娶一條小路進南川又修一條小路從黃荊界石場進界石離重慶止四十里若至界石則重慶南川涪州李渡水洞等處路路可通又稱播州關外掘溝設壘又稱三溪口已造船三十餘隻又在取板還造大船等情同日又據參將王夢吉游擊楊敏政各報稱八月初一二日節據指揮王繼祖報稱哨探軍兵何江小任二韓通等探得各酋仍在龍門里大魚灣二處初三日又據本官揭報據軍兵張七雷友探得路上人言楊應龍差夷目二人來上下赤水撥營又袁年將驢子二匹獵犬二隻弩二張差人送往播州不知何幹未知真實初四五六七日節據本官揭報據軍兵李孝得許大全五等探得各酋仍在赤水大魚灣二處等情本月十六日又據兵巡上川東道呈為狡酋應叛連兵猖獗等事據石柱宣撫司申稱本月初三日據家丁劉時仲報稱播會楊應龍知旗令到司取兵於七月初九日遣細作冉廷德於忠鄧伯鯨等家密會叛長馬邦宸等令彼召兵乘虛攻劫本司馬蓋等遂召亡叛百餘人

貴州通志

前事志十三

六三

窩聚於鄧都杜良臣等家於十一日抄劫官莊冉廷漢將家財牲畜罄般等因又據敘馬溫道呈准建武游擊楊敏政手本據守永鎮堡百戶張承宗呈報七月二十六日據安溪堡地方楊有龍口稱二十五日有王繼先差夷目張月仲王枝用陳八兒王友貴馬舟容等帶兵百餘至地名土洞河東一帶劫夷田穀口說要虜人況係播夷未知意欲如何等情本日又據塘報余世英稟稱有安溪壩羅志渡民劉海懷等二十名在於河東耕種夷田割穀被王繼先夷人張月仲等糾虜去訖本月二十三日又據敘馬溫兵備道報稱八月十八日據永甯衛差去查探旗軍方朝選報七月十六日楊會擁兵一次劉至赤水五畝田沿壩揚言欲借路要往仙鶴洞祭祖劉兵數日仍聚賊巢各軍無分星夜周流本屯地界哨探止聞播兵蜂擁未知情形如何本日又據永甯宣撫司報稱查得播兵自六月內入犯碁江之後出沒莫測本撫自合江縣起至河東赤水吼灘土屋茶壩穆艾壩安羅二村白牙園乾竹臺孔找崖箐口沙溪停子頭緝麻李博等處抵水西止地方邊境與播州相連現今會兵已過烏江近貴州二日路是的已該土官齊世續行令各邊長官頭目照界嚴加防禦合行申報